



CONCELLO DE VIGO
Secretaría de Goberno Local

D^a. PATRICIA RODRIGUEZ CALVIÑO, CONCELEIRA-SECRETARIA DA XUNTA DE GOBERNO LOCAL DO CONCELLO DE VIGO

C E R T I F I C O: Que a Xunta de Goberno Local, na sesión ordinaria do **20 de febreiro de 2026**, adoptou o seguinte acordo:

13.- PROPOSTA PARA DEIXAR SEN EFECTO A CONVOCATORIA DO PROCESO SELECTIVO PARA A PROVISIÓN DUNHA PRAZA DE DIPLOMADO/A EN ENFERMERÍA (INCLUÍDA NA OEP 2021). EXPTE. 45808/220.

Visto o informe de fiscalización do 10/02/2026, sométese a aprobación o informe-proposta do 28/01/2026, asinado pola técnica de Administración xeral, a xefa da Área de Recursos Humanos e Formación e conformado pola concelleira delegada e pola concelleira da Área de Goberno, que di o seguinte:

ANTECEDENTES

I.- A Xunta de Goberno Local, en sesión ordinaria de data 23/12/2020, aprobou a oferta de emprego público municipal para o devandito ano, que foi publicada no BOPPO de data 30/12/2020 (publicada rectificación no mesmo boletín oficial en data 12/03/2021). A Xunta de Goberno Local, en sesión extraordinaria do día 23/12/2021, aprobou a oferta de emprego público municipal para o devandito ano, que foi publicada no BOPPO de data 29/12/2021. Por acordo da Xunta de Goberno Local de 29/12/2022 (data de publicación oficial no BOPPO do 30/12/2022) foi aprobada a oferta de emprego público do Concello de Vigo correspondente ao ano 2022.

Na oferta de emprego público correspondente ao ano 2021 (BOPPO de data 29/12/2021) incluía unha praza de Diplomado/a en enfermería.

II.- Por acordo da Xunta de Goberno Local, en sesión ordinaria de data 17/01/2025 aprobáronse a convocatoria e as bases específicas dos procesos selectivos destinados á execución das ofertas de emprego público do Concello de Vigo correspondentes aos anos 2020, 2021 e 2022 (3ª fase) integrada entre outras pola praza seguinte: - Diplomado/a en enfermería -

III.- No BOE nº 123 de 22/05/2025 publicouse a Resolución de 07/05/2025, do Concello de Vigo, referente á convocatoria para prover as prazas incluídas nas ofertas de emprego público do Concello de Vigo correspondentes aos anos 2020, 2021 e 2022 (3ª fase)

IV.- Dentro do período de presentación de solicitudes, constan as seguintes solicitudes para Diplomado en enfermería.

APELIDOS	NOME	DNI
ROUCO VELASCO	J.	***6787**
MOLINOS JANE	M. C.	***1036**

Ambos/as reúnen os requisitos exixidos na convocatoria.



Copia do documento - Concello de Vigo	Data impresión: 26/02/2026 13:38	Páxina 1 de 6
260047492	CSV: ADBHA6-2E8AE9-58DCB5-YQU2A4-UYAGXD-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

V.- O Pleno do Concello, en sesión extraordinaria do día 10 de decembro de 2025, adoptou o seguinte acordo,

***“PRIMEIRO.-** Prestar conformidade ó acordo de data 09.10.2025 (Acta do 19.11.2025) da Comisión Mixta de traspaso á Comunidade Autónoma de Galicia dos servizos e medios persoais e materiais afectos á atención sanitaria prestada polas Unidades Asistenciais de Drogodependencias (UADs) de titularidade municipal, nos termos que se indican na certificación da subdirectora xeral de Réxime Xurídico e Administrativo da Consellería de Sanidade e secretaria da Comisión Mixta do 21.11.2025.*

***SEGUNDO.-** Traspasar á Comunidade Autónoma de Galicia (SERGAS – Consellería de Sanidade) o servizo que, en materia de asistencia sanitaria, viña realizando ata este momento a Unidade Asistencial de Drogodependencias UAD – CEDRO do Concello de Vigo, co persoal e prazas que se inclúen nos correspondentes Anexos.*

***TERCEIRO.-** Prestar conformidade á cesión ó SERGAS, previa formalización do documento administrativo correspondente, do uso gratuito do inmovible de propiedade municipal situado na rúa Pintor Colmeiro n.º 9 desta cidade (Ref. Catastral n.º 2449616NG2724N0001XB; n.º Inventario 0274), no que se atopan as intalacións da UAD – CEDRO e o inmovilizado material e inmovilizado intanxible existente nelas. A cesión será de vinte anos para os mesmos fins públicos desempeñados ata o de agora por esta unidades de drogodependencias. De ser o caso, en tanto non se formalice definitivamente ese documento, o Concello de Vigo comprométese a realizar provisionalmente unha autorización de uso do inmovible.*

***CUARTO.-** Prestar conformidade a subrogación ou sucesión subxectiva no contrato do servizo sanitario asistencial de CEDRO formalizado o 11.02.2025 entre o Concello de Vigo e “EULEN SERVICIOS SOCIOSANITARIOS, S.A.” e con vixencia ata o 28.02.2027 (prórroga en trámite: Exp. n.º 3007/315) e, eventualmente, no contrato dos servizos de seguridade e vixilancia en CEDRO, celebrado o 18.10.2023 coa mercantil “SEGURSYSTEM EUROPA, S.L.U.”, con vixencia inicial ata o 31.10.2026 (Exp. n.º 2926/315).*

***QUINTO.-** Aprobar os seguintes ANEXOS: Anexo I: PERSOAL A TRASPASAR; Anexo II: POSTOS DE TRABAJO VACANTES A TRASPASAR; Anexo III: BENS INMOBLES NOS QUE SE DESENVOLVE A ACTIVIDADE; Anexo IV: CONTRATOS FORMALIZADOS POLO CONCELLO; Anexo V: INMOBILIZADO MATERIAL E INTANXIBLE.*

***QUINTO.-** Remitir este acordo plenario e os seus Anexos ó SERGAS e á FEGAMP».*

VI.- No DOG nº 252 de data 31 de decembro de 2025, publicouse o Decreto de 7/2025, do 29 de decembro, de traspaso á Comunidade Autónoma de Galicia dos servizos e medios persoais e materiais afectos á atención sanitaria prestada polas unidades asistenciais de atención a drogodependencias de titularidade municipal existentes no territorio da Comunidade Autónoma de Galicia.

FUNDAMENTOS XURÍDICOS

I.- As atribucións competenciais do Concello de Vigo para intervir en materia de política social derivan tanto da lexislación de réxime local (Arts. 25.1, 25.2, 26 e concordantes da Lei 7/1985, reguladora das Bases de Réxime Local – LRBRL; Arts. 80.2.k) e 81.c) Lei 5/1997 da administración local de Galicia – LALGA), como da normativa sectorial específica autonómica en materia de servizos sociais; nomeadamente, na Lei 13/2008, do 3 de decembro, de servizos



Copia do documento - Concello de Vigo	Data impresión: 26/02/2026 13:38	Páxina 2 de 6
260047492	CSV: ADBHA6-2E8AE9-58DCB5-YQU2A4-UYAGXD-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



CONCELLO DE VIGO
Secretaría de Goberno Local

sociais de Galicia, na Lei 10/2013, do 27 de novembro, de Inclusión social e na Lei 3/2011, do 30 de xuño, de apoio á familia e á convivencia.

De acordo co Art. 25.1 da LRBRL, o municipio, para a xestión dos seus intereses e no ámbito das súas competencias, pode promover actividades e prestar os servizos públicos que contribúan a satisfacer as necesidades e aspiracións da comunidade veciñal, exercendo en todo caso, como competencias propias, nos termos da lexislación estatal e autonómica, en materias tales como: «Avaliación e información de situacións de necesidade social e a atención inmediata a persoas en situación ou risco de exclusión social»; servizo declarado obrigatorio para os municipios de poboación superior a 20.000 habitantes (Arts. 25.2.e] e 26.1.c] LRBRL).

A Disposición transitoria primeira da L.14/1986, do 25 de abril, Xeral de Sanidade, establecía que *“as corporacións locais que na actualidade dispoñen de servizos e establecementos sanitarios que leven a cabo actuacións que na presente lei se adscriban aos servizos de saúde das comunidades autónomas establecerán, de mutuo acordo cos gobernos das comunidades autónomas, un proceso de transferencias daqueles”* e, en virtude do Decreto 133/1989, do 6 de xullo, creouse a Comisión mixta coas Corporacións locais para o traspaso dos centros, servizos e establecementos sanitarios dependentes destas á CA de Galicia, establecendo a súa composición, funcións e normas de funcionamento.

Así, a Comisión Mixta prevista no citado Decreto adoptou o acordo de traspaso á Comunidade Autónoma de Galicia dos servizos e medios persoais e materiais afectos á atención sanitaria prestada polas Unidades Asistenciais de Drogodependencias (UADs) de titularidade municipal existentes no territorio desta comunidade, entre as que se inclúe a UAD – CEDRO do Concello de Vigo.

O contido substancial da proposta efectuada pola Comisión Mixta, polo que aquí interesa, pode sintetizarse nos seguintes puntos:

- A Comisión Mixta acordou que se traspasen ó SERGAS os servizos e os medios persoais e materiais afectos á atención sanitaria prestada polas Unidades Asistenciais de Drogodependencias (UADs) de titularidade municipal existentes en Galicia.
- Quedarían traspasados á Admón. Autonómica galega, e asumidos por esta, os servizos e os medios persoais e materiais que se relacionan no acordo aprobado, así como os dereitos e deberes dimanantes de dito traspaso, nos termos e condicións recollidos naquel.
- Adscribísenlle ó SERGAS os servizos e os medios persoais e materiais asumidos. A Consellería de Sanidade e o SERGAS exercerán as funcións dimanantes das súas respectivas competencias, en relación ós servizos e medios persoais e materiais traspasados.

Para o Concello de Vigo, o acordo acadado na Comisión Mixta o 09/10/2025, implica:

- O traspaso do persoal funcionario de carreira e laboral fixo pertencente a categorías sanitarias adscrito á UAD – CEDRO así como do que reunindo a mesma condición de fixeza pertenza a categorías de persoal non sanitario, sempre que neste último suposto desenvolva, a xornada completa, as tarefas propias do seu vínculo na UAD (Relación adxunta nº 1). Inclúese tamén o traspaso dos postos de traballo vacantes dotados orzamentariamente, con determinacións



Copia do documento - Concello de Vigo	Data impresión: 26/02/2026 13:38	Páxina 3 de 6
260047492	CSV: ADBHA6-2E8AE9-58DCB5-YQU2A4-UYAGXD-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

específicas para o persoal suxeito a procesos de estabilización en curso ou en situación de interinaxe.

O Decreto de 7/2025, do 29 de decembro, de traspaso á Comunidade Autónoma de Galicia dos servizos e medios persoais e materiais afectos á atención sanitaria prestada polas unidades asistenciais de atención a drogodependencias de titularidade municipal existentes no territorio da Comunidade Autónoma de Galicia, establece no artigo 1:

“Quedan traspasados á Comunidade Autónoma de Galicia, e asumidos por esta, os servizos e os medios persoais e materiais que se relacionan no acordo aprobado, así como os dereitos e deberes dimanantes do dito traspaso, nos termos e condicións recollidos naquel.”

O artigo 4, determina que o traspaso dos servizos obxecto deste acordo e, en particular, os medios persoais e materiais serán efectivos a partir do 1 de xaneiro de 2026.

A indicada transferencia do persoal que inclúe as prazas vacantes dotados orzamentariamente e postos asociados, supón a asunción plena por parte de Administración autonómica das funcións de xestión, provisión e cobertura das prazas de persoal, producíndose a perda sobrevida da competencia materia do Concello de Vigo.

Esta perda sobrevida de competencia, ven determinada polo Decreto 7/2025 anteriormente referido que implica que se traspasen ó SERGAS os servizos e os medios persoais e materiais afectos á atención sanitaria prestada polas Unidades Asistenciais de Drogodependencias (UADs) de titularidade municipal existentes en Galicia, cunha data de efectos de 01/01/2026.

Elo implica necesariamente a perda de competencia para a tramitación e resolución de procedementos selectivos relativos a ditas categorías profesionais, categoría profesional na que se atopa a praza de Diplomado/a en enfermería incluída na OEP 2021 e convocada por Resolución de data 07/05/2025. En atención ao exposto, procede deixar sen efecto a convocatoria da referida praza.

II.- Devolución de taxas

O artigo 5 da Ordenanza fiscal 10, vixente do Concello de Vigo dispón no seu punto 6 o pago dunha taxa para tomar parte no procedemento de selección e promoción de persoal, que varía segundo o grupo a que pertenza a praza.

O artigo 6 da referida Ordenanza establece que *“Os suxeitos pasivos ingresarán o importe desta taxa no momento da solicitude do servizo no Rexistro Xeral. Servirá de xustificante de ingreso a estampación mecánica no escrito de solicitude ou impreso de autoliquidación da taxa.*

Conforme dispón o artigo 2 desta ordenanza, esta taxa devíndase no momento do inicio da prestación do servizo, entendéndose por tal, o momento da presentación da solicitude no Rexistro Xeral. As cotas serán irredutíbles agás no suposto da taxa abonada por solicitude para tomar parte no procedemento de selección e promoción de persoal.



Copia do documento - Concello de Vigo	Data impresión: 26/02/2026 13:38	Páxina 4 de 6
260047492	CSV: ADBHA6-2E8AE9-58DCB5-YQU2A4-UYAGXD-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



CONCELLO DE VIGO
Secretaría de Goberno Local

Poderá instruírse procedemento de devolución do 50% do importe das taxas sinaladas no epígrafe 9 do artigo 5º desta Ordenanza, á solicitude da persoa excluída no caso de que esta última figure na relación de excluídos do procedemento de selección.”

No presente caso, deixando sen efecto a convocatoria polos motivos expostos no fundamento xurídico anterior, procedería que de oficio e polo órgano competente - Concellería de Orzamentos e Facenda- segundo Decreto de Delegación de competencias de data 19/06/2023, se acorde a devolución de taxa que no seu caso fora aboada a:

APELIDOS	NOME	DNI
ROUCO VELASCO	J.	***6787**
MOLINOS JANE	M. C.	***1036**

III.- Sometemento á preceptiva fiscalización previa da proposta de acordo.

Será preceptiva a fiscalización previa de gasto conforme ó establecido no RD Lexislativo 2/2004, do 5 de marzo, polo que se aproba o Texto Refundido da Lei reguladora das Facendas Locais (artigos 213 a 223) dado que, aínda que a presente proposta de aprobación de bases e convocatoria carece de contido económico, resulta susceptible de xenerar obrigas económicas a futuro para o Concello de Vigo, polo cal o presente expediente electrónico deberá ser sometido á fiscalización da Intervención Xeral Municipal.

IV.- Competencia

O art. 4.1.a) e c) da LBRL recoñécelle ó municipios, entre outras, respectivamente, as potestades públicas de autoorganización e as de programación e planificación.

O órgano competente para a aprobación de convocatorias das ofertas de emprego público e as súas bases no ámbito da xestión do persoal municipal é a Xunta de Goberno local, ao abeiro do artigo 127.1., apartados g) e h) da Lei 7/1985, do 2 de abril, reguladora das bases do réxime local.

Á vista do exposto, coa conformidade da Concellería da Área de Goberno de Seguridade, Contratación, Festas e Xestión Municipal elévase á Xunta de Goberno Local a seguinte:

PROPOSTA DE ACORDO:

PRIMEIRO.- Deixar sen efecto - en base aos fundamentos indicados en este informe - a convocatoria do proceso selectivo para a provisión dunha praza de Diplomado/a en Enfermería (incluída na OEP 2021), acordada en Resolución de 07/05/2025 e publicada no BOE nº 123 de 22/05/2025.

SEGUNDO.- Notificar a concellería de orzamentos e facenda - órgano competente para a devolución das taxas de dereito de exame - para que no seu caso, proceda á devolución das taxas aboadas polas persoas aspirantes que se relacionan a continuación:



Copia do documento - Concello de Vigo	Data impresión: 26/02/2026 13:38	Páxina 5 de 6
260047492	CSV: ADBHA6-2E8AE9-58DCB5-YQU2A4-UYAGXD-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

APELIDOS	NOME	DNI
ROUCO VELASCO	J.	***6787**
MOLINOS JANE	M. C.	***1036**

TERCEIRO.- Ordenar a publicación de presente acordo nos mesmo diarios oficiais nos que se publicou a convocatoria para xeral coñecemento.

CUARTO.- Notificar o presente acordo ás persoas interesadas indicadas no punto segundo da presente proposta de acordo.

QUINTO.- Contra o presente acordo poderase interpoñer recurso contencioso-administrativo perante os xulgados do contencioso-administrativo no prazo de 2 meses a contar dende o día seguinte ao da notificación ou publicación do acto administrativo que poña fin á vía administrativa, nos supostos, termos e condicións do disposto nos artigos 8, 25 e 46 da Lei 29/1998, do 13 de xullo, reguladora da xurisdición contencioso-administrativa.

ACORDO

A Xunta de Goberno local aproba a proposta contida no precedente informe.

E para que así conste e produza os seus efectos, emito a presente certificación coa salvedade do artigo 206 do Regulamento de organización, funcionamento e réxime xurídico das entidades locais, de orde do Excmo. Alcalde, en Vigo na data da sinatura dixital.

SGF/me.

V. e Pr.
O ALCALDE,
Abel Caballero Álvarez.



Copia do documento - Concello de Vigo	Data impresión: 26/02/2026 13:38	Páxina 6 de 6
260047492	CSV: ADBHA6-2E8AE9-58DCB5-YQU2A4-UYAGXD-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		